



掠蝦仔

日頭若落山，暗頓差不多全時陣煮好，二媽孫仔做伙踎厝，聽候對山頂番薯園作穡轉來的阿公司齊食暗。洗盥、披衫才煞，天就烏到伸手看無指頭仔矣。阿媽先佇門口埕點草網來薰，繼落去擲蠔掙仔佇八跤眠床的頭前、後壁拌(puānn)來拌去，一睏仔久，共蠔罩放落來，喊(hiām)我入去睏，講欲歛油燈仔火予化(hau)，才袂傷討債。

真正袂慣勢遐早就跔去睏，就講傷早睏袂瞌睡，欲去門口埕行行咧。阿媽毋肯，好喙限(ān)講明仔載欲系我去掠蝦仔，我才無閣番落去。

隔工中晝，才食飽煞，阿媽穿草鞋、戴笠仔，攢畚箕、揸魚簍仔，手牽我從後壁溝蹠過溪，巡田岸仔路行差不多有一下仔久，幹落來溪墘。阿媽先啟笠仔、魚簍仔回佇沙埔，雙手揸畚箕，勻勻仔佇水底徙跔，行到水草仔實實的對面溪邊，怙怙停落來揀一搭好所在通落手掠蝦仔。

人小可仔向低(ānn-kē)，那徙跔那共畚箕勻勻仔揀(sak)進前，雄雄 tshè 力共撈(hôo)起來，溪水迴過篾仔縫嘩嘩叫一直流，活跳跳、金燦燦的蝦仔，𠵼(khê)佇畚箕仔底躡起躡落。笑微微的阿媽翻頭行起來沙埔，好禮仔共倒入去魚簍仔，第二回伊閣換去別搭的水草仔，全款按呢撈，來來去去有十外改，逐改攏有收成。

手揸魚簍仔坐佇石頭鼓頂，斟酌看內底的蝦仔，有大隻暗青殼，中大仔烏黝(tò)紅，上細的親像石銼彼色的草蝦、溪蝦，濟甲會驚人，規陣聳鬚閣齧牙跔上跔落，挨過來搯過去無閒嗤喳，愈弄愈好耍。無張無持阿媽喝講天欲烏矣，好轉來去，那窮(khîng)家私欲走的時陣，雷公爍爍拚拚靈，西北雨拍佇樹葉仔嘎嘎叫，對遠到近愈來愈響，兩媽孫仔有笠仔無棕簑，嘛走袂赴通覘雨，就據在伊淋，沃無佬久，泅甲規身軀澹漚漚，才到厝，好佳哉頭髮猶焦焦，魚簍仔恰蝦仔齊原在，就趕緊落去洗身軀、換衫，攏無去拍寒著。

作者：藍春瑞

☆詞彙學習☆

【草網】tsháu-in：成束的乾草

【蠔掙仔】báng-sut-á：像拂塵的驅蚊器具

【八跤眠床】peh-kha-bîn-tshîng：舊時有八隻床腳的床鋪

【蠔罩】báng-tà：蚊帳

【限】ān：應允寬限

【番】huan：不講道理、胡鬧

【魚簍仔】hî-khah-á：裝魚蝦的竹簍

【tshè 力】：瞬間猛然施力

【篾仔】bih-á：薄竹片

【𠵼】khê：卡住

【烏黝紅】oo-tò-âng：暗紅色

【石銼】tsiòh-sian：黏附在石頭上的水垢

【爍爍】sih-nah：閃電